

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINSKI SUD U TEŠNJU
Broj: 39 0 K 079813 26 K
Tešanj, 16.04.2026. godine

U IME FEDERACIJE BIH!

Općinski sud u Tešnju, sudija Bekrić Hidajeta, uz sudjelovanje zapisničara Alisa Šabanović, u krivičnom predmetu optuženog B. S. zvanog „s.“ sin M. iz J. ul. M. Č. Č. broj ... J., općina T., zbog krivičnog djela izazivanje opće opasnosti iz člana 323.stav1. Krivičnog zakona Federacije Bosne i Hercegovine, po optužnici Kantonalnog tužilaštva ZE-DO kantona Zenica broj T04 0 KT ... 26 od 15.01.2026 godine, nakon održanog pretresa za izricanje krivično pravne sankcije u prisutnosti tužitelja Kantonalnog tužilaštva ZE-DO kantona Zahirović Đevad i optuženog, dana 16.04.2026. godine donio je i objavio sljedeću:

P R E S U D U

B. S., zv. S., sin M. i majke E. rođene H., rođen godine u Tešnju, nastanjen na adresi M. Č. Č. broj ..., J., općina Tešanj, pismen, sa završenom VŠS, razveden, po narodnosti Bošnjak, državljanin BiH, vojsku služio, završio Akademiju u Turskoj u činu tenkovskog kapetana, u penziji od 2008. godine, odlikovan ordenom Zlatni ljiljan, srednjeg imovnog stanja, JMBG: ..., neosuđivan,

Kriv je

Što je:

Dana 20.06.2025. godine oko 17,00 sati, u Tešnju, u mjestu K. broj ..., izazvao opasnost za život ljudi na način da je ispred kuće u dvorištu koje je vlasništvo njegovog oca B. M., nakon kraće rasprave sa S. V. koji se nalazio u dvorištu svog oca S. S., otišao do svog putničkog motornog vozila „Audi“ registarskih oznaka ... koje je bilo parkirano u dvorištu, uzeo pištolj marke „Sarsilmaz sar 9“, kalibra 9 mm, serijskog broja ... za koji je imao uredno izdato odobrenje, prišao do potpornog zida, koji je između parcela i ispalio tri hitca u zrak s namjerom da S. V. prestane sa košenjem trave sa trimerom, iako je bio svjestan da je na taj način doveo u opasnost život ljudi, što je i htio, a nakon toga pištolj vratio u putničko motorno vozilo odakle ga je i uzeo,

čime je počinio krivično djelo Izazivanje opće opasnosti iz člana 323. stav 1. Krivičnog Zakona Federacije Bosne i Hercegovine pa mu se na osnovu istih zakonskih odredaba i odredaba člana 49. i 62. Krivičnog zakona Federacije Bosne i Hercegovine izriče

UVJETNA OSUDA

Kojom se optuženom za počinjeno krivično djelo utvrđuje kazna zatvora u trajanju od 3(tri) mjeseca, i istovremeno određuje da se ista se neće izvršiti ukoliko optuženi u roku od 1 (jedne) godine dana ne učini novo krivično djelo računajući od dana pravosnažnosti ove presude.

Optuženi se obavezuje na plaćanje sudskog paušala u iznosu od 50,00 KM, kojeg je dužan platiti u roku od 30 dana od pravosnažnosti presude.

U smislu odredaba člana 78. stav 1. Krivičnog zakona Federacije Bosne i Hercegovine optuženom se izriče sigurnosna mjera trajnog oduzimanja predmeta, i to:

- Pištolj marke „ sarsilmaz sar 9“ , kalibra 9mm , serijskog broja ... sa pripadajućim okvirom, 10 metaka kalibra 9x19mm i oružani list broj: ... na ime S. B.i tri pištoljske čahure.
- Pištolj marke „ sarsilmaz sar 9“ , kalibra 9mm , serijskog broja ... sa pripadajućim okvirom, 10 metaka kalibra 9x19mm imaju se prodati prema odredbama zakona o izvršnom postupku
- Tri pištoljske čahure se imaju uništiti
- Oružani list broj: ...na ime S. B. ima se vratiti izdavaocu istog.

O b r a z l o ž e n j e

Kantonalno tužilaštvo ZE-DO kantona Zenica optužnicom broj T04 0 KT ... 25 od 15.01.2026.godine optužilo je B. S. zbog krivičnog djela zbog krivičnog djela izazivanje opće opasnosti iz člana 323.stav1. Krivičnog zakona Federacije Bosne i Hercegovine (u daljem tekstu KZ F BiH), počinjenog na način, vrijeme i mjesto kako je to pobliže opisano u optužnici, temeljeći optužbu na dokazima koji su prikupljeni u istrazi i predloženi u optužbi.

Sudija za prethodno saslušanje ovog suda potvrdio je navedenu optužnicu dana 19.01.2026godine i zakazao ročište radi izjašnjenja o krivnji optuženog.

Na ročištu za izjašnjenje o krivnji optuženi, nakon što je u smislu odredaba člana 13. ZKP-a poučen o svojim pravima izjavio je da je izvršio radnje na način i vrijeme kako je to opisano u dispozitivu ove optužnice, da je izvršio predmetno krivično djelo i da priznaje krivnju.

Nakon razmatranja izjave o priznanju krivnje, uvjerenje suda je da je do priznanja krivnje došlo dobrovoljno, sa razumjevanjem da je optuženi svjestan svih posljedica i obaveza koje proističu iz priznanja krivnje te da postoji dovoljno dokaza o krivnji optuženog, pa je sud i prihvatio izjavu o priznanju krivnje.

Sud je izvršio uvid u materijalne dokaze prikupljene tokom istrage Zapisnik o uviđaju PS Tešanj broj: ... od 20.06.2025. godine, Naredba za balističko i hemijsko vještačenje broj ... od 25.06.2025. godine, Akt FUP Sarajevo broj ... od 23.07.2025. godine sa Nalazom i mišljenjem balističkog vještačenja sačinjen od Federalne uprave policije Sarajevo, Centar za forenziku, Odsjek za balistička i mehanoskopska vještačenja; Foto-dokumentacija MUP ZDK broj ... od 03.07.2025. godine; Izvod iz kaznene evidencije za osumnjičenog B. S. od 27.08.2025. godine; Zapisnik o ispitivanju osumnjičenog B. S. od 21.06.2025. godine, Zapisnik o saslušanju svjedoka S. V. od 20.06.2025. godine, Zapisnik o saslušanju svjedoka S. E. od 20.06.2025. godine, Zapisnik o saslušanju svjedoka B. M. od 10.07.2025. godine, pa je nakon ocjene provedenih dokaza i utvrdio da je optuženi počinio radnje opisane u dispozitivu ove presude te da se u njegovim radnjama stiču sva bitna obilježja krivičnog djela nedozvoljeno držanje oružja ili eksplozivnih materija iz člana 371. stav 1. KZ F BiH.

Uvjerenje suda je da je do priznanja krivnje došlo sa razumjevanjem te da je optuženi svjestan svih posljedica i obaveza koji proističu iz priznanja krivnje pa kako postoji dovoljno dokaza o krivnji optuženog to je sud i prihvatio priznanje optuženog

Ispaljivanjem 3 metka iz pištolja na način , vrijeme i mjesto kako je to utvrđeno da je optuženi učinio, optuženi nije povrijedio nikog ali prema svim konkretnim okolnostima, postojala je mogućnost da dođe do povrede života ljudi ili imovine većeg opsega i povreda zaštićenog dobra sa velikom vjerovatnoćom mogla je nastupiti u tim momentima

Optuženi je bio svjestan svog djela i htio njegovo izvršenje pa je za isto i odgovoran zbog čega je sud optuženog i proglasio krivim i osudio kao u izreci presude.

Prilikom odlučivanja o vrsti i visini krivično pravne sankcije, sud je cijenio na strani optuženog sve okolnosti. Od olakšavajućih okolnosti sud je našao da optuženi priznaje izvršenje djela koja mu se stavlja na teret, da pokazuje iskreno kajanje, da je porodičan, da je neosuđivan, a od otežavajućih okolnosti nije našao ništa, pa je optuženom izrekao mjeru upozorenja tj. uvjetnu osudu kojom je optuženom utvrdio kaznu zatvora u trajanju od 3 mjeseca i odredio da se ista neće izvršiti ukoliko optuženi u roku od 1 godine dana ne učini novo krivično djelo, a računajući od dana pravosnažnosti ove presude, smatrajući da je ova krivično pravna sankcija adekvatna težini krivičnog djela kao i ličnosti učinioca i da će se sa izrečenom uvjetnom osudom koja predstavlja prijetnju kazne prema optuženom postići kako opšta svrha krivičnih sankcija predviđena članom 7. KZ F BiH, a u okviru iste i svrha kažnjavanja, te svrha uvjetne osude iz 60. stav 2. KZ F BiH.

U smislu odredaba člana 78. stav 1. KZ F BiH optuženom se izriče sigurnosna mjera oduzimanja predmeta, i to: Pištolj marke „ sarsilmaz sar 9“ , kalibra 9mm , serijskog broja ... sa pripadajućim okvirom, 10 metaka kalibra 9x19mm i oružani list broj: ... na ime S. B. i tri pištoljske čahure. Trajno oduzeto oružje sa okvirom i municija, u smislu odredaba člana 194 .stav3. KKP F BIH ima prodati po odredbama zakona o izvrsnom postupku i sredstva dobivena prodajom uplatiti na budzet Federacije BiH, a oružani list broj : ... na ime S. B. ima vratiti izdavaocu istog. Tri pistoljske cahure imaju se uništiti.

U smislu odredaba člana 202 .stav 1. ZKP F BIH sud je optuženog obavezao na plaćanje sudskog paušala u iznosu od 50,0 KM, koji paušal je dužan platiti u roku od 30 dana od dana pravosnažnosti ove presude. Na osnovi svega navedenog odlučeno je kao u izreci ove presude.

PRAVNA POUKA:

Protiv ove presude dozvoljena je žalba
Kantonalnom sudu u Zenici putem ovog suda
u roku od 15 dana od dana prijema presude.

SUDIJA

Bekrić Hidajeta